

四庫全書

集部

欽定四庫全書

後村集卷十

宋 劉克莊 撰

詩

送真西山再鎮溫陵

父老香花夾路催
朱幡那忍更徘徊
弓張至此猶宜弛
珠去安知不復迴
海上有艘堪致粟
洛中無篋勝生財
泉人畢竟修何福
消得西山兩度來

水仙花

歲華搖落物瀟然一種清芬絕可憐不許淤泥侵皓素
全憑風露發幽妍騷魂灑落沉湘客玉色依稀捉月仙
却笑涪翁太脂粉誤將高雅匹嬋娟

葵花二首

植物雖微性有常人心反覆至難量李陵衛律陰山死
不似葵花識太陽

下了江南奏凱迴曹公鞅鞅未忘懷爭知野老門庭冷
旌節無心忽自來

題鄭寧文卷

西山
作跋

昔侍西山講席時頗於函丈得精微書如逐客猶遭絀

辭取橫汾亦恐非箏笛豈能諧雅樂綺紈元未識深衣

嗟余老矣君方少勤向師門扣指歸

西山先生編文章
正宗如逐客書之

類止作小字附見內詩歌一門初委余哀輯余取秋風
辭西山欲去之蓋其議論森嚴如此鄭君試以此意求
之可也

悼阿駒七首

吾老方期汝亢宗愛憐不與衆離同豈知希世千金產

止作空花賺廼翁

長兄開卷每隨聲大母繙經亦諦聽
眉目分明無天法
恐緣了了與惺惺

北轍南轅有返期
吾兒掣手去何之
夢中玉雪來懷抱
愁絕鄰鐘喚醒時

隔日猶能喚女兒
兒於孝友殆天成
直須見汝蓮花上
纔得胸中一點平

富貴威權得自由
叔融二子殺楊修
閒人於物無恩怨

那得倉舒只麼休

眼見玄花因悼亡觀書對客兩茫茫情知淚是衰翁血
更為童烏滴數行

人生憂患本無涯強取瞿聃語自排吾母白頭猶念我
吞聲不敢惱慈懷

鄭寧示邊報走筆戲贈

曾客嫖姚與伏波慣騎生馬擁琯戈金臺有命終須築
鐵硯無功亦且磨見說帛書來汝洛又傳毡帳迫淮河

只今西北多機會吾子南歸意若何

輓劉學諭

徐尤溪鹿鄉之婦翁豐城人名履

少游鄉校至華顛常以齏鹽養浩然科舉法行無譽士
丘園禮廢有遺賢劉蕢下第一人稱屈李漢編文後必傳
聞道諸郎皆秀孝拂雲華表看他年

送陳戶曹之官襄陽二首

珽

丞相曾忝督府謀郎君今復贊邊籌彼哉金谷飲長夜
去矣玉關防盛秋尺度豈能拘快士功名斷不在中州

習池水滿堤花艷安得相陪賦遠遊

幕府秋風事日生叅軍匹馬去兼程起為楚舞何其壯
吟退邊塵在此行且喜峴山碑有跋不愁江表傳無名
老儒那復封侯夢止願躬耕看太平

盱士張季携所注三畧訪西山先生既跋其詩
余復題二絕於卷尾

張生快士非拘儒袖出一編相斫書撲虱拍蚊吾不忍
斷蛇刺虎子何麤

千里從師細講評橫渠昔亦謁高平自從受得中庸了
止說西銘不說兵

送湯伯紀歸番陽

華宗所產必人英久見諸賢說父兄荀氏晚添文若出
楊家又有敬之生進堪負荷斯文責退亦流傳後世名
身老荒村無可恨獨於佳友尚關情

病後訪梅九絕

夢得因桃數左遷長源為柳忤當權幸然不識桃并柳

却被梅花累十年

韋侯咏柳云青青東門柳歲晏必憔悴楊國忠以為譏已

先生歲晚被人疑
梅畔渾無一字詩
明月清風愁併案
野花啼鳥怕隨司

區區毛鄭號精專
未必風人意果然
犬豕不吞舒亶唾
豈堪與世作詩箋

和靖林間欬嗽時
一邊覓句一邊饑
而今始會天公意
不惜功名只惜詩

老子無糧可禦冬
強鳴饑吻和寒蛩
舍南舍北花如雪

止嘒清香飽殺儂

與梅交絕幾星霜
瞥見南枝喜欲狂
便欲佩壺携鐵笛
為花痛飲百千場

一聯半首致魁臺
前有沂公後簡齋
自是君詩無警策
梅花窮殺幾人來

春信分明到草廬
呼兒沽酒買溪魚
從前弄月朝風罪
即日金雞已赦除

菊得陶翁名愈重
蓮因周子品猶尊
從來誰判梅公案

斷自孤山迄後村

陪西山遊鼓山一首

先生廊廟姿非直藩翰才南州彩旗留北闕丹詔催重
臣方暑行停驂小徘徊客中載枚鄒物外尋宗雷遂窮
天海觀一豁風雲懷眷言此靈山自判宇宙來登臨几
朱輪滅沒隨飛埃堂堂蔡與趙繼者其誰哉共唯勲業
伴况乃名節偕伊余忝載筆適值祖帳開雖陪蘇子游
獨抱湛輩哀餞詩堪覆瓿不敢鐫蒼崖

鼓山用餘干趙相韻

城郭區區一聚埃江山如此信佳哉
挾龍相國騎箕去招鶴仙人弭節來
試問炊梁成短夢何如煨芋撥殘灰
危亭更著文公扁日落山空未忍回

題真仁夫畫卷

草木黃落水雲莽蒼孤舟卸帆凍雁失行
昔余遠遊沿灘沂湘堠長店踈僕痛馬僵
行李蕭然有詩滿囊今其老矣寧志四方
撫卷追思歷歷不忘

題李龍眠十八尊者

嘗聞天台境肉身往無從仁夫示此圖恍惚游其中應
真一一若舊識或踞怪石臨飛淙山鬼投牒何敬恭天
女問法尤丰茸盆魚鬢鬣等針粟放去天矯擎空濛山
深無人地祇出被服導從侔王公前驅鷲獸後夔魍徐
行殿以一瘦筇巉巉蒼壁謾謾松下有老宿眉雪濃石
橋滅沒雲氣斷似是鬼國非天宮層冰融結挾怒瀑毒
虺噴薄含腥風至人於此方入定壞衲羃首枯株同等

閒一坐六十劫汝技有盡吾無窮書生往往談性命怵以禍福猶兒童倒持手版口勸進對此寧不面發紅我知龍眠筆外意要與濁世鍼盲聾退之云釋善變幻愷之謂畫能神通幻耶神耶兩莫詰與子持扣西山翁

米元章有帖云老弟山林集多於眉陽集然不襲古人一句子瞻南還與之說茫然嘆久之似嘆渠偷也戲跋二首

大令云七筆不傳世無行草已千年偶然遺下鵝羣帖

生出楊風與米顛

二集一傳一不傳可能寶晉勝坡仙蘇郎不醉常如醉

米老真顛却辨顛

世傳米老
有辨顛帖

跋周忘機畫一首

周郎詞藝妙天下似是詩家非畫家寧與嵇公寫琴操
不為盛尹作梅花

題林戶曹寒齋

取鄭介夫積雪
冒寒齋之句

舉世爭馳勢利場君於冷處看人忙不營摩詰散花室

只設蘇州聽雨牀
種果園林無虎守
勘書窻几有螢光
直須喚起西塘老
來向齋中伴石塘

呈黃建州

當年虎穴挺身臨
匹馬平欺萬綠林
余欲關弓常掩涕
汝能賣劍即回心
歌廉民已嗟來暮
微管吾安得至今
欲謁鈴齋參嫡派
管蠡何敢測高深

過建陽二首

溪上重來兩鬢絲
豈知拙政久猶思
旄倪欲見葉公面

香火共存朱邑祠，爭勸令君持酒琖。
不容老子閉車帷，誰言俗薄今非古。
我與斯民各秉彛。

白布裙襦雪滿顛，攜扶偃僂拜車前。
皆言庾氏相因粟，猶是君侯不飲泉。
自昔活民須有備，即今去客愧無權。
愚公老矣痴如故，長把心燈望後賢。

過章戴二首

魯叟斷阡何處尋，橋邊感舊獨沉吟。
一生欲唾奸諛面，千古難磨道義心。
溪昔放魚晴鱖鱖，門今羅雀冷涔涔。

發潛賴有西山筆何日碑成勒碧岑

橋下魚萬計
君所放也

曾向明時雪李邕又聞名在聘賢中憶言鴟吻施茅屋

忍見龜蚨立柏宮杯酒昔常陪賀老隻雞終待哭喬公

情知客淚先難制鄰笛那堪咽晚風

君為閩漕欲請余
為屬既而曰茅屋

設鴟吻
乎遂止

答李泉州元善

平生陳無已白首欠吟債未嘗交馬呂况肯見章蔡附
熱生可鄙中寒死亦快吾方尚此友巾車與同載前瞻

有膺滂却顧有融泰要當堅一壁詎可立兩界怒乎行
誼虧希也名節壞史君惠良箴下走敢不拜懷哉道義
交異彼姑息愛

送趙信州二首

君於朝列號名流信在江東亦望州保抱彼民思父母
齋咨吾輩惜交遊香凝應物吟詩榻虹貫元章載畫舟
澗上泉邊今寂寞豈無遺稿待搜求

貧者唯言可贈行臨分握手盡交情馬於轡力窮時駭

鷗向機心動處驚齊士豈無堪客禮蔡人便可作牙兵
遙知陌上羅敷女競看雙旌出勸耕

題趙子固詩卷

紫芝仲白俱仙去晚秀唯君擅士林字肖率更親手作
詩疑賈島後身吟九成合奏音方備三染為纁色始深
老去尤於朋友篤未忘几研琢磨心

題湯伯紀程文

詔書選後宮衆女競媒致拂鏡濃畫眉臨風高綰髻朝

猶東鄰居夕已金屋貴彼姝絕代姿綽約乘風氣箴史
合古趣佩服與今異宜哉寤寐求惜也憔悴棄君門深
復深歲遣花鳥使

和高九萬雪詩

添盡綿衣體未和小窻奈此苦寒何極知上竺仙人喜
不道長安貧士多窮巷都無晨噪鵲邊城應有夜驚鵝
君才堪續梁臺賦早晚樓船濟汴河

答曾無疑校勘

詩到黃初字永和半生西望遡明河已招學士來儒館

更欠山人拜諫坡

李渤
种放

四庫舊書存有幾五朝遺老苦

無多傳聞將講臨雍禮小駟驪駒白玉珂

題袁秘書文藁

場屋聲名淳紹初同時一輩曉星疎舉人尚記前鄉貢
天子亦呼行秘書出蜀詩堪編杜集涉湘文可補騷餘
中朝典冊須鴻筆何必然藜照蠹魚

題廬陵羅生書卷

門卷蕭然人迹少華裙客子袖文過織千機錦非常巧
熏一鉢香已覺多持贈白雲情厚矣暗投明月愧如何
桃花水煖鱸堪鱸恨不相携買短策

陳夫人哀詞

同父
之女

龍川天下士女子節猶竒孟母遷鄰訓共姜誓已詩生
無封國分歿有表阡時曾識雙珠樹聊為補此辭

輓連夫人

陳侍郎公益之
母代洪侍郎作

渡江門戶已華簪嫁得黔婁作藁砧疇昔曾為賓截髮

暮年親見子腰金
瀧阡新刻豐碑妙
防墓重封宿草深
憶與夏卿聯禁路
些辭題罷一酸心

參預陳公輓詩二首

人歎摘毫妙天知補袞忠
力猶挽元氣身已御長風
家譜侔洪氏官稱似范公
獨憐尊鯽奠不得至茗中
聖主初調瑟煩公數寄聲
已來周大老尚致魯諸生
末至餘尊盡西歸
隻履輕中年知己淚銷得幾回傾

又二首

代洪給
事作

世道方憑藉云胡不憇遺重如鎮喬嶽寬可納須彌
閣開無日墓陵寔有期嗟余衰久矣告第乏雄辭
不謂斯人天堂堂在目中曾參黃面老肯戀黑頭公
性理天淵徹榮華露電空獨餘章奏在聖主記遺忠

送王實之

欲去還留每自憐竟為吾子著先鞭孤忠盡見萬言疏
十口同登一葉船屈法相全煩聖主上書俱貶愧前賢
南歸定過西山下細把行藏告墓阡

重餞趙信州分韻得寢字

近甸騷屑餘當宁焦勞甚剖符寄非輕弄印擇已審盎
然春風和解此寒色凜吾聞守四鄰豈必衛堂寢惡馬
易調伏小鮮難烹飪臘前况屢白秋杪定一稔我侯但
凝香彼州自奠枕英英尚書郎餞詩麗如錦驪珠忽滿
軸繼者皆曹沈顧余如病鶴欲鳴聲復噤寧論鬼挪揄
行以親來諭南歸掣齋鈴倘留故人飲

鄭丞相生日口號十首

陌上塵飛勅使來親傳天語賀元臺門庭如水無珍獻
唯有黃花伴壽杯

王呂紛更尚治安史韓椽伐始雕殘迺知元祐調絃易
却是端平變局難

金塢銅山二紀中可無玉雪洗貪風從今中外多廉吏
家有錢神賦一通

小范登庸面稍瘦唯公不以位為娛宅家亦自臨朝說
丞相都因國事懼

舒黯淹留守相間平津千載有慚顏
惜渠不見端平相
召了西山召鶴山

忤旨嬰鱗不自安
明朝密啓與遷官
百僚舉笏私相語
相國胸中得許寬

曠懷未許衆人窺
細行猶堪百世師
廣厦千間無地起
靈臺一片有天知

轉了頭廳屢乞歸
已將傳舍視黃扉
江湖不欠魚羹飯
直為君恩未拂衣

籬苞不復入修門
民力微蘇物漸蕃
見說海邊停鱉局
介鱗亦被相君恩

不用占著更訊龜
功成尚有赤松期
由來壽與仁相貫
季主君平未必知

出宿環碧

逐客挑包水榭中
忽聞乾鵲噪東風
若非閩嶠安書至
即是襄州吉語通

環碧寒甚移宿客邸

香歇朝衣嬾更熏
夢殘宮漏遠難聞
漫郎不稱青綾被
退士唯堪白布裙

桐廬舟中即事

車前彎帽同聲散
關外華簪一揖休
唯有浙江潮好事
肯隨逐客到嚴州

朱買臣廟

翁子平生最苦貧
晚將丹頸博朱輪
老儒五十無章綬
歸去何妨且負薪

江山道中

純綿未覺中年煖
薄酒難禁二月寒
可惜一溪桃李樹
貪程不得過橋看

徐偃王廟

仁暴由來各異施
秦徐至竟孰雄雌
君看驪岫今無墓
得似柯山尚有祠

漁梁

淺溪忽漲尋常水
朽樹猶開千百花
有酒可沽魚可買

造門莫問是誰家

馮唐廟

當饋而今渴將材豈無梟俊尚沉埋
不曾薦得雲中守也道身從省戶來

新蓬二嶺

路入雲端一綫微人人竊笑僕交譏
空囊非有連城壁作麼携從間道歸

春陰

春陰欺得病夫身，偶值晴天一欠伸。
客舍無誰相管領，半簷紅日苦留人。

宿小寺觀主僧陞座

靜處猶宜策睡勳，徑投禪榻炷鑪熏。
恰為蝴蝶春游美，忽吼華鯨曙色分。
僧袒右肩方說法，我聾左耳若無聞。
平生不作桑間戀，草草挑包下白雲。

田舍即事十首

去年贏粟尚儲瓶，又見新秧蘸水青。
野老逢人說慚愧，

長官清白社公靈

村落爭看烏角巾畧談北事向南人百年只有中州樂
世世無為塞下民

古來觀社見春秋茜袂銀釵盡出遊欲與魯人同獵較
可憐身世尚他州

蹴踘鞋尖塵不浣臂鷹袖窄樣新裁社中年少相容否
也待鮮衣染髮來

鄰壁嘲啾誦學而老人睡少聽移時他年謹勿如張禹

帝問牀前謬不知

田舍諸雛各雅馴
男兒盡有藝資身
古來醫卜多名世
莫學文章點浣人

條桑女子兩鬟垂
車馬過門未省窺
生長柴門蓬戶裏
安知世有二南詩

草草衣裝挈自隨
媚貧畢竟與齊眉
絕勝京洛傾城色
鎖向侯門作侍兒

兒女相攜看市優
縱談楚漢割鴻溝
山河不暇為渠惜

聽到虞姬直是愁

溪上漁郎占斷春
一川碧浪映紅雲
問渠定是神仙否
櫓去如飛語不聞

寄題趙廣文南墅

博士才名賀白流
詎應早計到菟裘
宮中未索清平調
海上聊為汗漫遊
隱几飽看山變態
開軒唯對竹清修
買鄰有志嗟無力
肯與羊曇共賭不

寄和湯仲能

憶昨挑包返故鄉，意君束帶侍明光。一書似坐窮為禁，
百計無如去最長。蟻穴夢殘何足記，墓陵願在莫須償。
即今臺閣多收召，定有名公雪孝章。

送湯季庸監獄

季子真奇士，聲名亞長君。尚難友裘牧，何敢吏朱雲。
江國無生業，沙場有異聞。臨岐各珍重，世故屬紛紜。

送徐鼎夫用廬陵通守博士戴文韻

一春風雨郡齋寒，荒了麻姑老子壇。

余嘗主仙都玉局觀

吏抱文

書排闥至客攜詩卷退衙看愁來鏡裏絲難染老去胸
中錦已殘若棹扁舟見安道為言歲晚習申韓

次韻王元度二詩

表倅
之子

留落而今兩鬢秋暮年出處愧前修敢云余補韓公處
極喜君來謝容州竒甚寶譚騰紫氣清於玉瓚薦黃流
後生不作先賢遠便合相推出一頭

向來綺語禍機深幾效靈均欲自沉周廟人曾銘在背
管城子已禿無心今誰伯樂能酬價後有鍾期必賞音

老矣尚須君警策昔人一字答千金


送趙叔愚赴潯州理掾

未奉三雍對聊為五筦行鄉書踰嶺少詩思入湘清遠
官身差穩中州事日生向來幾離別此別最關情

離郡五絕

自傷臨郡淺有愧在民深稽首文公廟由唐直至今
既收其印綬猶送以車船回首柱下史江邊更可憐
昨日專城守今朝失國人乾坤如許大無地著孤臣

赫赫戎衣定區區扣馬非如何孤竹子嫌粟不嫌薇
孔筆鄭克段孟言象愛兄回天力不足削地罰猶輕



後村集卷十

欽定四庫全書

集部

後村集卷十一至
三

詳校官庶吉士臣吳烜

主事臣呂雲棟覆勘

總校官進士臣朱鈴

校對官主事臣陳文樞

謄錄監生臣全拱闇

欽定四庫全書

後村集卷十一

宋 劉克莊 撰

詩

寄徐直翁侍郎二首

銳情皆由氣所為浩然不屈是男兒
未知重入修門後何似初攀折檻時
已有客貽絕交論豈無人取送行詩
勿令一種求疵者妄議君侯鳳德衰

憶昨紛紛衆喙鳴怪君喋斷久無聲
得非家客留廷尉

卷十一
或是閨人阻仲卿白壁微瑕終古在黃金橫帶霎時榮
從來公議無情甚莫遣蒙齋獨擅名

和仲弟十絕

懶窺戶外問晴陰靜向窻前閱古今江國事稀聊袖手
釣天夢斷久灰心

慈母清齋奉竺乾平生功行默通天遙知靜坐修禪觀
永晝爐中一穗烟

即今江表尚恬熙忘却前回飲馬時淝水豈無風鶴助

平涼莫受遠人欺

樓頭吹徹幾寒梅
推枕穿衣曉帳開
蟻鬪蝸爭求我決
老夫身世自難裁

一春簷溜不曾停
滴破空階蘚暈青
便是兒時對牀雨
絕憐老大不同聽

行遍高臺到曲池
閒將白髮照清漪
未應官舍無幽事
亦有臨流嘯咏時

少工文字老安施
不但才慳力已疲
無復滴泉來上綆

惠連入夢偶成詩

弟兄雖幸忝朱輪各是人間五十人只合共娛千歲母
可能少補二州民

雁迴杳杳渾無報鵲語啾啾似有憑忽得遠書看百過
眼昏自起剔殘燈

千古堂堂一孔明尚咨幼宰訪州平諸君應悉惓惓意
老子寧希赫赫聲

丁酉重九日宿順昌步雲閣絕句七首呈味道

明府

傍邑曾為劫火塵，獨茲猶是太平民。
兒時所歷今三紀，便喚溪山作故人。

老子痴頑耐遠遊，平生腹不貯閒愁。
今年天賜登高地，身在雲峯最上頭。

小休綠樹濯清泉，垢盡身輕意欲仙。
豈必魯儒知此樂，舞雩風止在溪邊。

九月南州菊未黃，芙蓉取次獻新妝。
不妨折取繁紅插

四海皆知兩鬢霜

只了年年作逐臣
衣冠縵縷面埃塵
偶逢令尹留連我
不畏狂生點浣人

先倩清風掃水軒
更呼涼月倒金尊
定知明府歸侵夜
縣郭留燈未閉門

長君論事天為動
季子居官水似清
雙眊不能鈔諫草
偏聾尚可聽琴聲

涂中得茂實封事目
昏字小不能傳錄

友人李先輩丑父嘗以夷成詩二帙示余莫知為

何人所作心甚愛之過延平客有袖詩一章見
訪始知夷成者蓋葉君之別號也鬚髮皓然矣

詩與人皆可重因用其韻爲謝

筋力都非少壯時不煩攬鏡覺吾衰展禽出仕曾三已
表聖歸休有四宜飽閱交情悲世道差強人意賴君詩

此生到死慚三士本自難招况易麾

端平初元召審八士余預焉唯張洽

趙端願范炎三君子力辭不至

丁酉九月十四日黃源嶺客舍題黃瀛父近詩

不但行吟又卧披掩編因有感於斯競為蛙蚓號鳴態
烏覩龍鸞天矯姿損挹嫌人稱大好琢磨容我指微疵
自慚學識非康鼎安敢陪君共說詩

次王元度韻

占盡靈烏顧盡雲君恩寬大放歸閩一區二頃生緣薄
萬緒千條素髮新鐵馬即今徵戰士金雞何日赦纍臣
殷勤說向西飛雁多謝交游與吏民

送范守仲治二首

二年田里內民不識追胥官府絕無事使君唯讀書儉
於住家日臞似下車初太末方凋弊公行不可徐
放逐諳時態唯侯意味長醴為狂客設羹許老人嘗南
國留棠舍西郊閉草堂臨岐先作惡未可倚剛腸

輓趙漕簡叔二首

雖擁輶車貴蕭然似布韋家依僧舍住俸買古琴歸海
內勝流盡民間廉吏稀空餘詩卷在展玩一沾衣
恰訝書題少俄驚計問臨死方拋筆研貧不浣珠琛劫

火難灰節浮雲肯動心悲哉廣陵散舊譜有誰尋

曹路分贈詩次韻一首

古來詩律推曹氏不數河梁與董逃唐季三家松最勝

荆公選唐百家詩曹鄴一首曹唐二首曹松十三首建安七子植猶高短檠尚課

兒精選老筆真堪僕命騷極欲留君橫槩賦舟人苦報

粵江濤

用曹帥侍郎韻贈曹路分

曹侯書滿腹非以劍防身馬上檄猶速橐中詩不貧敵

情工變詐時論主和親
旗鼓何時建方知國有人

永嘉曹君贈詩次韻一首

開卷沉吟首屢搔
想提詩律比戎韜
清於學士茶烹雪
壯似將軍弩射濤
再齒三纁由染漬
勺泉卷石可深高
蝸廬自笑無卮酒
不得澆君道路勞

余大父著作嘗以所得沈元用給事斂硯遺水
南林府君後七十年林氏子大鼎以端研遺余

答以小詩

隆乾手澤稀疎甚數帖淒其在水南但看吾翁遺歛石
固應之子餉端巖丁寧後裔藏為好羞愧先民寶不貪
自笑老猶耽筆硯少年莫也肯同參

輓子敬鄭都承二首

重入修門兩鬢絲延和累疏竭忠規立朝頗慕汲生慙
謀國不知晁氏危老去故人能有幾古來君子例無時
傳聞近事堪悲慨說向重泉亦皺眉

向來俱觸相君嗔里社追隨二十春尚記殘編燈下共

忽看華表路旁新行車不忍過
三步臨穴應難贖百身
歲晚空山風雨橫
莫芻歸去倍傷神

次韻實之二首

孤臣去國四經春
迹遠安知罪尚新
蚤亦曾譏秦氏者
晚為與議濮園人
懶箋光範干時宰
且伴田家賽社神
醉倒不能愁世事
倩他烟柳替含顰

向來歲月半投閒
莫嘆朝首着盤身
後芬芳聊自誑
眼前腥腐飽曾餐
虫雞一笑何須校
花鳥相踈恐被彈

清議自為儒者設未應羈束老黃冠

再和二首

借屋城中又一春
桃符萬口說清新
向來曾上慶厯頌
老去甘為元祐人
健論真堪驚諂子
固窮不肯媚錢神
吾評此士西塘比
後進紛紛謾效顰

與君未得便安閒
邊警偏能惱澗槃
草地棗紅猶索鬪
田家稻白可能餐
誰將鐵硬橫江鎖
莫靠琵琶出塞彈
處處衝梯樓上舞
不應諸老自巍冠

三和二首

主聖時清萬宇春
禽魚花草各懷新
如何丹鳳樓中手
來作金雞竿下人
家有寧馨堪跨竈
囊無阿堵可通神
客談江北狼烟息
暫展雙眉不用顰

厨人無職主君閒
春日唯供菜滿槃
山下鷓鴣肥聊共飽
堂中羊美得常餐
徧嘗憂患肱三折
已過光陰指一彈
老去有中宜漉酒
笑他楚客切雲冠

輓戴丞

戴氏多人物君尤月旦推能傳后蒼禮亦擅叔倫詩故里懸車蚤名場解褐遲他年端有恨椿桂不同時

題永福黃生行卷

廢詩二十餘年矣忽讀來詩眼暫明處士梅曾如許瘦
化人酒莫過於清蛩鳴競起為唐體牛耳誰堪主夏盟
事闊語長殊未竟跨驢作麼問歸程

送方清孫參學

僕負輕裝主倚轅交游握手若為言須求沂水風雩樂

勿愛沙河夜市繁曩日士曾宗郭太他時我欲傳何蕃
殷勤待折津亭柳老怕春寒不出村

輓南塘趙尚書二首

起掌端平制蕭蕭素髮新更生宗室老太白謫仙人貴
矣戎施馬悲哉筆絕麟誰為篆華表題作宋詞臣

自從水心死塵柄獨歸公於易疑程氏唯詩取晦翁二
箴家有本孤論世無同不復重商摧騎鯨浩渺中

次韻實之春日二首

向來文字擅中朝留落而今賦大招才子左遷推屈賈
相君高蹈友松喬山行或與樵爭席澗飲聊將掬代瓢
借使終身無一事亦令千載仰孤標

梅醜朝衣塵滿靴曾穿細仗對延和角巾久已尋初服
錦帳何須戀舊窩能讀書人天下少不如意事古來多
半生寂寂因迂闊垂老方驚歲月蹉

再和二首

滎陽相昔獨當朝曾忝弓旌第一招無力不能救房琯

有書安敢托洪喬如聞徒步輕千駟未覺堂厨勝一瓢
鄧禹封侯子陵釣君看二者孰風標

少小從軍事袴靴只今廟筭主通和敵來莫倚兔三窟

民散未收蜂一窩

建炎有盜名一窩蜂

病覺風光於我薄老知書

冊誤人多罪言著就深藏取自笑狂生壯志蹉

三和二首

豈有絲毫補聖朝去來擾擾費麾招不能履屐供羣謝
未暇綸巾擁二喬著老萊衣伴服冕食於陵粟勝操瓢

臣之少也猶踈懶何況頭今插素標

陶詩素標
插人頭

長劍拄頤刀納靴得如曝背趁陽和買鄰底用百萬價
好事曾為十二窩異日史臣應有考同時朝士欲無多
與君死守西山學莫遣人譏末路蹉

四和二首

夢魂久不到清朝縱遣巫咸未易招塞北今唯一韋叡
江南前此幾陳喬扶顛個個無長策排悶時時引大瓢
他日松根深掩骨何須竹帛有名標

朱門畫鼓舞宮靴應笑狂歌似采和露坐一生無步障
春游是處有行窩紹興黨議誰當續元祐全人本不多
辦取九年同面壁未應末後話頭蹉

五和二首

尚記諸賢聚本朝當時君相急旁招簫韶九奏鳳諧樂
金彈一聲鶯下喬強項昔曾攀殿檻饑腸今欲把僧瓢
蚤知不得文章力却悔當初奪錦標

頽然一榻嬾巾靴二月東風尚未和雀闥屋簷來作宿

蜂啣窻紙去為窩牢愁余髮五分白健思君才十倍多
欲訪東臯賢鼻祖幾回路與醉鄉蹉

六和二首

那復薰衣事早朝杖藜時赴野人招謀身不善交韓呂
度世猶堪訪賀喬杖有百錢尋酒棧家無一物只詩瓢
君看莘渭三王佐何似夷齊萬世標

生怕將軍手浣靴安能柔軟舞靈和艱虞夷甫方謀窟
老嬾堯夫少出窩時事累棋如許急春愁抽壘未為多

終南一徑非常捷自是吾徒問路蹉

別張季

昔謁西山過里中談兵論易氣如虹若非遇彼負苓者
必是傳於墜履翁至竟白袍無諂屈何曾黃策有英雄
秋風定訪蒙齋否為說馮唐老更窮

輓淮東丘升撫幹

子美曼卿流遠攜書劍遊惜攀丹桂晚勇赴白檀秋尚
喜前籌壯聊紆左社憂時危竒士天無淚可供愁

五月旦日雞鳴夢袖疏墀下先君問言何事答
曰猶素論也先君太息稱善聞追班聲驚寤以

詩識之

夢中候對殿東廂邂逅先親問答詳確磨不能移素論
曝芹終欲獻清光觸屏訓詔生猶臭攀檻傳名死亦香
君父臨之安所避凌晨起坐涕淋浪

蔡京云如劉安世
確搗磨磨止說元

是祐

和張使君一首

里巷傳呼府座來柴門草戶亦榮哉相忘金鯽忽然躍
慣見白鷗渾不猜墨客堵牆觀落筆花神步水出行杯
定知入奉吾丘計萬一君王訪草萊

題趙別駕委齋

乍看華扁費尋思徐叩微言極坦夷無可奈何安命者
吾非惡此欲逃之萬羊賦祿渠前定二鳥蒙恩彼一時
總被委齋叅透了不求符竹止求祠

次張使君韻

欲架茅堂久不成蕭然身世托專城日無車轄非常靜
月有飡錢未是清髡首向來輸白粲短衣老去斲黃精
絕憐不及梁間燕歲歲新巢巧自營

讀邸報二首

並驅華轂適通達中路安知判兩岐邪等唯余尤甚者
好官非汝孰為之累臣放逐無還理陛下英明有寤時
聞向蕭山呼渡急思想追前事亦顛眉

瑤編對秉初修筆粉署同攜夜直衾虎旣蒙皮甘搏噬

鶴因瘡羽久呻吟盡歸一網機猶淺橫說三網害最深
想到鄖山多暇日軻書毋惜細研尋

自和二首

橫身久塞楊朱路灑泣俄悲墨子岐陋矣射鈞而中者

壯哉鳴鼓以攻之侍讀自無遷府分

梅詢晚年指其足曰是中有鬼使我

不至

兩府中丞還有儼船時

舒亶去國催客船歸

八風舞罷君恩歇羸

得聞愁上兩眉

貴豪渠已重金帶貧病儂猶舊布衾鍾阜解仇無宿憾

荆公與呂
吉甫解仇

荆江感事有新吟

山谷有荆江書事
十絕建中初所作

早知餘

耳交難保晚覺王何罪未深白首還鄉應閉戶斷無保

社肯追尋

和實之讀邸報四首

祝鮓非是佞莒僕未為凶鬼谷縱橫舌終南詭譎踪斷
無鱗在藪獨有鼠穿墉千古誰儔匹依稀似敬宗

穿鑿彊揮塵跳梁勇執弓矯誣天亦怒驅逐國為空笑

裏刀常有盟邊甲已衷拾遺端可拜誅佞筆生風

張萬
福拜

拾遺王仲舒等

於延英門下

外觀殊偉岸內稟極儉柔欲取漢清議盡投唐濁流鬼
車鳴甚惡猛虎死方羞芳臭須臾判哀哉不善謀

一枰初駭聽雙淚謾求哀極口誣賢者甘心譽彼哉

其人

嘗引管

仲見擊

早知豺不食安用鳩為媒試問高陽里迎車幾

兩來

再和四首

狐鳴工作崇鴉噪每為凶魯觀初尸罪儒林永削蹤謀

身真有窟鑿趾欲無墉

鑿墉之趾以益其高

力擊延齡去堂堂似

亢宗

舊知偏下石遠避亦傷弓留落周南衆蕭條冀北空萬
言徒飾詐雙泪却由衷王績何曾醉劉蕡本不風

噬人侷虺毒害物比猫柔

李義府柔而害物號人猫

清議姑驅逐寬

恩未放流劍誅張禹佞扇障褚淵羞諫筆非私忿惓惓
為國謀

伏閣何其壯登舟得許哀人多稱快者上豈少恩哉惡

草毋留種天桃不待媒九重方遠佞寧放鄭詹來

輓李卿儔二首

苦說兵財少臣非怯塞垣上思前語驗人嘆左遷寬老
大雲中守風寒國北門故交頭白盡空為賦招魂
人物今衰少唯侯勇智兼悲風起關塞斜日薄崑崙老
子無從涕諸賢不及髯知心唯蜀李應為發幽潛

後村集卷十一

欽定四庫全書

後村集卷十二

宋 劉克莊 撰

詩

洛陽橋三首

周時宮室漢時城廢址遺基剗已平乍見橋名驚老眼
南州安得有西京

羸氏曾驅六合人蔡侯只用一州民立犀豈不賢川守
鞭石何須役海神

面跨虛空趾沒潮長鯨吹浪莫飄搖向來徒病川難涉
今日方知海可橋

泉州南郭二首

閩人務本亦知書若不耕樵必業儒唯有桐城南郭外
朝為原憲莫陶朱

海賈歸來富不貲以身殉貨絕堪悲似聞近日雞林相
祇博黃金不博詩

同安

城不能高甫及肩臨風搔首一懷賢當時矮屋今存否
曾著文公住四年

龍溪道中

曠土茫茫無主名朱門唯恐籍分明老農猶記淳熙事
太息文公志未行

木綿鋪

蒼遠人稀行未休風烟絕不類中州何須更問明朝路
纔出南門極目愁

靈著祠

甘寧關某至今傳名將為神自古然生不封侯三萬戶
死猶廟食數千年

韓祠三首

柳祠韓廟雙碑在孔思周情萬古新不信二公俱絕筆
別無詩可送迎神

一宵醜類徙南溟靡待仙官勅六丁宗閔與紳空並世
可憐不似鱷魚靈

萊相竹今供戍卒武侯柏亦付邊陲南來獨有昌黎木
神物千家尚護持

留衣菴

老子今年五十三諸方參了又重參誰能遠禮文殊佛
且訪顛師海上菴

潮惠道中

春深絕不見妍華極目黃茅際白沙幾樹半天紅似染
居人云是木棉花

循梅路口四首

贛客紛紛露刃過，斷無徼吏敢譏訶。
身今自是牢盆長，較爾能賢得幾何。

導吏倉忙乞調兵，未應機動遣鷗驚。
傳聞老子單車至，慚愧偷兒讓路行。

鈔法如弓末愈張，可堪於此更求詳。
祇應新執牙籌者，拾得研桑肘後方。

三十年來邊宿兵，大農無計飽連營。
元來有個浮鹽策，

南渡諸賢未講明

白雲菴

太行以北海豐南我與梁公各有慚兒五十餘親八十
可堪來宿白雲菴

叱馭菴

所立未如溫太真詎宜跬步暫忘親乃知峻坂驅車者
有愧高堂扇枕人

將至海豐

漁鹽舊俗慣恬熙
兵火新民脫亂離
石路樹陰三十里
今猶彷彿太平時

東坡故居二首

嘉祐寺荒誰與葺
合江樓是復疑非
已為韓子騎驎去
不見蘇仙化鶴歸

惠州副使是新差
定武端明落舊堦
盡遣秦郎臯子去
只携周易魯論來

豐湖三首

岷峨一老古來少
杭賴二湖天下無
帝恐先生晚牢落
南遷猶得管豐湖

小米侍郎生較晚
龍眠居士遠難呼
不知若個丹青手
能寫微瀾玉塔圖

作橋聊結衆生緣
不記全家落瘴烟
內翰翻身脫犀帶
黃門勸婦助金錢

羅湖八首

平生不作賈人留
怪底江邊未發舟
龍吏不須前白事

更忙定要看羅浮

中州無地堪投足垂老攜家泛瘴江不愛朱丹畫車轂
且貪紫翠入船窻

歲晚南游訪稚川苔封丹竈尚依然不知的在山中否
萬一歸來說內篇

潁水箕山未脫然直須斷盡世間緣野人曾被朱轡浣
不作天仙作地仙

異境微茫在半霄仙人垂手下相招老來尚有君親念

未敢相陪過鐵橋

衡嶽仙都迹已陳
雲臺玉局勅猶新
暮年擬乞冲虛觀
長向山中祝聖人

浪跡人間狀似顛
草書壁上筆如椽
吾評二士皆奇怪

未是真仙亦鬼仙

觀中有白玉蟾
字并懷黃天谷

五更海底湧金輪
咫尺蓬萊不遠人
欲和蘇詩臨絕頂
可憐漢節尚隨身

扶胥三首

一陣東風掃暄霾
天容海色豁然開
何須更網珊瑚樹
祇讀韓碑也合來

暘谷扶桑指顧間
馮夷得報平安為
言博望乘槎至
莫作師襄擊磬看

前祭京師奉祝詞
尊嚴不比百神祠
臺家今歲籌邊急
黃帕封香已過時

兼船一首

鸞旌飛芻瘴海瀕
扇遮不斷庾公塵
而今更遣兼琛節

羞寫冰銜寄故人

兼諸司二首

白頭忽有印纍纍符牒如山退食遲
但見旋添庭下事不知頓減集中詩

只是從前踈拙身而今結駟昔懸鶉
伯鸞老去無遺恨獨憶同操井白人

唐子西故居二首

一州兩遷客無地頓竒才方送端明去
還迎博士來

無盡頗縱橫晚方攻蔡京猶稱賢宰相應為客先生

風旛堂二首

告子早不動先師四十餘乃知盧行者暗合秀才書
夜夜各跌坐朝朝同打齋不知那個子曾夢祖師來

羊城使者廟

山川殊壯麗井邑亦繁雄獨有羊城廟蕭然瓦礫中

江南五首

已報行營入猶夸僭壘堅何曾陵谷變但見市朝遷

銀也駭孺子井蛙徒自尊如何南武帝面縛向夷門
具艦逃安往焚巢潰不支區區一州力不足辱王師
宣勸猶疑鳩龍顏笑引觴絡鞍奉明主執挺長降王
身是假皇帝國由內太師偽朝舊宮殿歷歷有遺基

即事十首

香火萬家市烟花二月時居人空巷出去賽海神祠
東廟小兒隊南風大賈舟不知今廣市何似古揚州
俗情重蒲飲故事按舟師莫倚無山越聞將作水嬉

占斷百花白摘來三伏涼著身素馨國荀令未為香
瓜菓踞拳祝暉羅撲賣聲粵人重巧夕燈火到天明
名荔絕甘冷與莆爭長雄不逢蔡公譜埋沒瘴烟中
吾生分裂後不到舊京遊空作樊樓夢安知在越樓
突薪初不戒綆在始言功累甃為牆壁前人智未工
復闕無雅操涉洧有遺音未可繩三尺檟榔當委禽
沐髮眠常晏濡脣飲不多誰云五瘴毒常備四時和

藥洲四首

非有干時策聊為避地圖昔人補勾漏老子管仙湖
役民如犬馬國破作降俘往往湖中石宣和艮嶽無
怪怪竒竒石誰能辨醜妍莫教贊皇見定輦入平泉
觀寺臨湖上亭臺出柳間都忘來五嶺將謂在孤山

登城五首

尉佗故秦吏堪執鄴侯鞭箕踞問使者吾方帝執賢
已作南夷長那為北面臣未忘真定冢畢竟是華人
漢人稱勁粵累世不加兵狂卒纔三百如何便絕城

漫費人蒸土常如物潰隄傍疑為息壤下恐有蟠泥

州治

後

郭外皆鯨浸區中等螳窠若無西雁翅客子奈愁何

城南

瀕江多海物比屋盡閩人四野方多壘三門欲卜隣

題蕭令山則文編二首

繭紙銀鈎寫一通殷勤投贈愧空空轍環晚乃交吾子
稠載天將富此翁著論未容符獨步操琴欲與愈爭雄

兒童認錯眉間喜疑有珠犀滿篋中

咄咄人皆怪老夫奈何此客去難呼
招溫處士為羅否
待穆先生設醴無我有青芻堪秣馬
君言白髮久占烏
人生蟬冕腰金印未抵斑衣膝下娛

題唐察院詩卷二首

細讀公詩屢絕編心知妙處口難傳
言言箴儆做堪垂世
歷歷行藏自譜年但覺朱絃餘唱嘆
不煩玉斧更雕鏤
小儒可是通身膽擬為坡仙注大全

不見林夫與子方坦翁健筆亦堂堂孝誠親有終身慕
忠愛君無一飯忘銘坐六章韋作佩入臺五字鐵為腸
未應徑欲投吟社諫草長留御榻傍

次黃殿講鳴珮亭

誰引扶胥水入城循除終日愛琮琤天風何許珮環響
秋色自然竽籟聲盡洗珠犀寧受澗少留琴鶴未須行
他年父老傳都下名與濂翁一樣清

廣州勸駕一首

庚子
權郡

番禺文物於今盛閩浙彬彬未足夸丞相宅曾住南郭
鼎魁坊只在東家好陳董子三篇策莫看唐人一日花
珍重詔書相勉意士先器識後才華

廣州都試

時攝帥

自昔番禺統府雄君恩暫許領元戎不羞短髮垂肩白
且愛前旌照眼紅筆久不靈妨草檄臂新無力怯開弓
即今超距多臯俊安用輜車載此翁

燈夕二首呈劉帥

士女如雲服珥鮮暫陪獵較亦欣然清於坡老遊杭市
儉似乖崖在劍川使指何功煩卜夜遨頭此念可通天
粵人擁道千層看不見狨鞍三十年

陌上遊人趁管絃豈知君相尚籌邊細聽野老交談處
猶記兵端未動前草市收燈如許早端門瞻蹕定何年
書生晚抱憂時志歸畫殘灰理舊編

次韻二首呈倉使

晚霧徐收月色鮮承平物態尚依然斷無颼母起吹海

應有蚌胎還媚川遠俗熙恬猶樂土孤臣流落謾憂天
夜歸聽得與人語且願新年勝舊年

歸念常如危柱絃春來夢繞白雲邊不知新雪添頭上
但見繁星滿目前即事有詩聊記節揀時無策但祈年
二公語妙堪傳遠巖杜何因可共編

余哭蟾子潮士鍾大鳴有詩相寬次韻

愁眉暫展賴君詩欲以先知覺後知歷引竺乾寬此老
未甘羸博窆吾兒寄阿蘭若俄經昔祔短松岡會有期

欲訪巫咸何處在憂來自向理中推

再和

彭聃俱未離乎死况汝孩提未有知自昔丈夫憐少子
即今王母惜孫兒探環尚記曾遊處建鼓應無再見期
三紀七揮兒女淚孰尸壽夭莽難推

蒲澗寺

齊人陳迹此流傳班史蘇詩未必然故老皆言家即寺
知兒悞入海求仙莫將劉項分羹鼎來澆巢由洗耳泉

欲採菖蒲無覓處且隨簫鼓樂新年

越臺

南帝當年此築臺稱雄亦豈偶然哉謾道異國求陽燧
不道偷兒飲漆杯能使越人存舊跡始知秦吏有奇才
祇今黃屋歸何處但見牛羊夕下來

次韻劉帥出郊一首

競逐朱轡載酒行熙熙物態與人情浴沂我欲尋儒服
涉洧公方厭鄭聲試問冶容邀夜市何如赤腳盪春耕

故山瓜圃應無恙老去深知愧邵平

次韻李倉春遊一首

秧馬從今漸可行林鳩未好便呼晴敢云使者乘輶傳
聊為君王式耦耕有一日留憂職曠無三宿戀覺身輕
此生不復持高論願友臺佟與向平

輓崔丞相三首

先帝謀元帥煩公護蜀淮軍皆歌范老民各像垂崖北
顧猶闕慮西歸已卷懷早令扶日月寧不掃氛霾

麻卷揚庭久蒲輪就道遲
虛傳楊綰用不奈蔡謨辭
祝柱從渠誚摧梁得許悲
流傳千載下猶足勵清規

昔侍瓊花宴回頭二紀餘
嵇康作書懶魏勃掃門疎
尚意開黃閣安知尾素車
蕭然旋馬第人指相君居

陸賈二首

田橫死士今亡矣陳豨從車安在哉
獨有尉佗尚黃屋故應兩費陸生來

酈烹未久崩幾烹陸子優游享令名
南帝稱臣橐金返

更推餘智教陳平

浴日亭一首

歸客飄然一葉身尚能飛履陟嶙峋危亭下瞰岬夷宅
積水上通河漢津叱馭為臣前有志乘桴從我更無人
暮年筆力全衰退甘與韓蘇作後塵

又追和坡韻一首

亭傍喬木拂雲天亭下高桅泊晚灣白是張騫曾泛水
青疑徐福所求山羊城隔霧愁回首鯨浸收風喜見顏

却笑金烏并玉兔辛勤出沒雪濤間

白鶴故居

天稔中原禍朝分黨部爭當年誰宰相此地著先生故
國難歸去新巢甫落成如何鯨浸外更遣打包行

唐博士祠

博士位猶卑投名入黨碑今觀名世作多在謫官時太
史沅湘筆儀曹永柳詩新祠綿蕞爾未盡復遺基

六如亭

吳兒解記真娘墓杭俗猶存蘇小墳誰與惠州者舊說
可無抔土覆朝雲

再題六如亭

余既修廢墓立仆碑或者未
解此意明年北歸賦此解嘲

昔人喜說墜樓姬前輩猶高斷臂妃肯伴主君來過嶺
不妨扶起六如碑

十五里沙

只見如山白浪飛更堪動地黑風吹渺茫直際九州外
洶湧常如八月時河伯豈能窮海若靈胥僅可嚇吳兒

惜無散髮騎鯨友共了南游一段奇

道中讀方孚若題壁有感用其韻

淮雪江風裂面寒往來萬里一征鞍
三千客謾曾彈鋏十九人誰肯捧盤
自古英才多頓挫即今世運尚艱難
空餘敗壁龍蛇字黃鶴高飛不復還

後村集卷十二

欽定四庫全書

後村集卷十三

宋 劉克莊 撰

詩

送項使君季約二首

世有凝香樂君侯總未知清齋燈火夕閉閣荔枝時郡
小留難住民愚去始思兩年案頭筆一字不容私

但見兩眉顰何曾一饌珍節如僧更苦家比郡尤貧琴
鶴均為贅葦鱸頗切身蕩山有來雁莫惜寄聲頻

送王梅州二首

州境與潮隣徐行止浹旬瘴鄉均一氣鹽子亦吾民日
晏烟嵐斂兵餘戶口貧定將田里事閉閣細條陳

禍始自三槍菑猶被一方帝將安渤海君肯薄淮陽老
手何由斲新眉尚費妝漢庭褒郡最蚤晚入為郎

癸卯上元即席次楊使君韻二首

初陽收久雨淳祐第三春聊與衆行樂稍欣農食新俱
蒙青帝力莫問紫姑神座上遨頭作流傳遍郡人

縱觀姑遊目殷憂欲碎心
馬嘶淮祲惡鵲叫蜀冤深
玉座方停箸椒塗亦脫簪
好為諫臣論莫作醉翁吟

辛卯春日

甫報弓旌召俄聞彈射攻
匹如飲甘露

諸不能受人惡言如飲甘露者

不名為有力大人語見佛書

又似斬春風雲夢吞伊軫
須彌納箇中

故山多芋栗不必問狙公

輓林煥章二首

昔在端平際臨朝想老成
但聞轅固召不見伏生行
霜

柏無寒暑朝華有悴榮由來天所靳上壽與高名
束帛徵諸老深衣立一儒鄉人偕獵較童子共風雪屑
屑羞來往兢兢迨舉扶自慚衰竭久書墓覺詞蕪

送趙阜主簿

罷稅無兼局蕭然古解寒士稱為善類民說是清官力
薄難推轂身輕易起單竹林逢大阮試為問平安

輓游勉之侍郎二首

不假黃金貴居然比玉溫諸公從上擁一老立東門伯

氏推難弟先師有嫡孫者英雕落盡舊事向誰論
昔在高陽里曾登夫子堂武城愧言偃畏壘化庚桑病
臂書全闕驚心鑑忽亡平生芻一束道遠不能將

輓唐伯玉常鄉二首

身自無安處昇州更廣州逐教子方去死到了翁休鳳
至虞廷喜麟亡魯野愁憂時兼悼友白却九分頭
久欲携尊屣呻吟去未能甫封陶母墓俄弔董生陵言
立何曾死騷招更不應那須論宿草身盡泪方冰

送居厚弟堂稟二首

俱被光華遣同歸寂寞濱吾灾因抱榘子咎在埋輪記
憶煩明主招徠到遠臣要須留晚節他日白先人

怕與親朋別那堪送子行天威難俟駕秋暑勿貪程若
見知名士為言不慧兄孤危託君相耕釣畢殘生

居厚不果行次韻二首

物色來林下安排起海濱居然蒙錦筵幸未駕蒲輪非
我瑕疵女云誰毀譽臣只愁從此去未易致虞人

祖帳方涓吉公車已尼行若非露消息未免迫期程水
菽姑娛母茅柴且酌况未應天祿閣便欠一更生

聞居厚得祠復次韻二首

諸賢談稷下孤士卧漳濱母亦為投杼兒宜勿斲輪無
書留逐客有些弔纍臣一室纔容榻奚煩問疾人

稍欣公議白又報嘖言行上漫招東馬人方毀李程迎
來新觀主伴取老師况漢士方雲合何須魯兩生

贈蜀士盧石受二首

蜀郡盧夫子沉冥不偶時幽深病梨賦竒怪磔墓詩古
有嚴并李今無曠與夔何當短檠下歷歷叩羣疑

井絡纏兵慘瞿塘下棹輕命寧一錢值腹載五車行姑
覽無餘跡休聽望帝聲世無韓十八誰識玉川生

送陳霆之官連州

郡接湖南境孤城若個邊
菲寮誰問宿峽石善驚船
官小無迎吏詩工有續編
古人高妙處不過覽山川

輓林承奉

性與聃書合平生寶儉慈鹿門妻採藥蟾窟子攀枝君
可先賢傳吾慚幼婦碑衰年窘才思呵凍課哀詩

輓姚漕貴叔

昔建經離亂煩公出拊循魯宮恢故宇蔡卒即吾人
意
茲何傷我甘棠尚在民悲哉元日召當宁記名臣

輓開國陳寺丞二首

昨御祥琴後多傳吉語通虛令占列宿不料奏悲風
華
表孫從祖生芻壻弔翁九原一無憾全壁見先公

伯也不可作叔兮猶典刑公車玉堂薦書室鶴山銘久
上通侯印新營太祝廳衰年親舊少吟罷涕先零

輓王居之寺丞二首

元老登庸晚同年召用初惜哉武公耄甚矣董生迂汾
曲廬旋返平津閣寢疎空令雙鬢白猶待兩輪朱

憶昔陪真率華居甫落成坐賓來墮幘侍女出彈箏無
復吳趨曲空餘楚些聲九泉見忠簡應問老門生

輓方筭貢士

秋賦曾賓送春卿偶脫遺離羣嗟老境同隊記兒時終
制從家禮高懷見墓碑亦如陶處士自作誄兼詩

題永嘉黃仲炎文卷二首

書坊黃冊誘兒童朝取封侯夕拜公董賈竒才無地立
歐蘇精鑒與人同安知李廡麾門外不覺劉幾入彀中
蚤晚君王求極諫莫教豪傑泣途窮

龍泉筆絕文章熄此作居然可貴珍激處翻嫌董生緩
新來却笑退之陳假令覆瓿無知者尚可藏山待後人

外物區區均糞土祝君愛取不貲身

和吳教授投贈二首

三徑荒涼手自開旋移花竹剪蒿萊休休豈不緣迂情
屑屑何為費往來明主祇今蒐墜典故人大半客翹材
纍臣方卧漳濱疾錯夢釣天聽樂迴

袞袞登瀛更上坡且容老子釣烟波鳳麟自合呈祥瑞
鳧雁何曾繫少多時有耦耕人共語亦無問字客相過
倒囊欲答驪珠贈奈此家徒四壁何

和張簡簿尉韻

舊案依稀在柏臺寄聲杭本莫醜開騎驢道從兩點挾
羅雀門庭幾客來務觀可堪供史草補之不會作宮梅
男兒盍建橫行策免使君王嘆乏才

用王去非侍郎韻二首送林元質提幹秩滿造
朝并呈侍郎

戍滿歸來薇亦剛策名不覺十年強素無沂國三場志
魯有西山一瓣香鼎董未能免科舉孔顏方可語行藏

要為天下奇男子寧論區區國與鄉

叔季滔滔未見剛每聞健論意差強向來曾劾燈籠錦
老去聊凝畫戟香世運橫流安所止聖朝未舍豈容藏
幾回欲上鈴齋謁衰病無因可去鄉

送李用之察院赴潮州二首

烏府名臣暫擁麾霜稜聊復變春熙行人猶謂驄當避
聖世初無鱷可移粵俗相攜看上日韓祠配食付他時
極知不作周南滯禁闥須君補闕遺

昔在番禺鬻筴時，瞽言不敢計從違。固知國有三空患，又欲民無再權譏。窮裹為生尤瘠薄，牙籌所積恐纖微。公卿文學方矛盾，應待囊封決是非。

賀王實之得第二子

臞翁活計未全迂，老驥新生汗血駒。攀桂肯輸郎罷否，分梨還讓伯兄無。應陳俎豆為嬉戲，想見詩書被抹塗。報與厨人多釀酒，王家例合有三珠。

塗抹詩書如老鴉
玉川子添丁詩

送方蒙仲赴省

童年背距已專場何況而今老益蒼天網恢然罩鴻鵠
朝陽鳴矣革蜩塘士誰與賀爭同進衆亦推弘詣太常
可惜祠官無氣力不能措笏誦阿房

書事二首

潘柄考亭門人陳均福公
族子皆年七十餘而客死

謙之緋翼迎歸福平甫灰釘送返莆空累兩家營後事
僅留四壁遺諸孤學徒誰是單傳者史藁曾經一覽無
貧富皆當終牖下招魂何處有神巫

二士平生極好修簞瓢之外尚何求暮年更傍誰門戶

故國寧無其水丘華筭殊非愛魯子短衾自可覆黔婁
小車處士差安穩十二行窩取次游

送葉士巖二首

曾約還轅訪爵羅幾迴掃榻佇經過待先生敬雖如此
與老人期奈後何走馬看花消許急殺雞為黍誤儂多
吳中故舊還相問一臂偏枯兩鬢皤

向來參請徧諸方恍惚如痴亦似狂雪與膝平猶未退
斤從鼻過了無傷拈花弟子知誰悟撼樹羣兒不自量

極欲為君露消息天寒日短話頭長

甲辰春日二首

買牛搜粟向蠻烟衰病安知壁偶全使者召歸曾四輩
臣之得罪又三年柳劉漏語誰云爾絳灌憐才定不然
縱使有泉堪洗耳先生此媿若為湔

學問過時已悍堅文章垂老未精專薰琴何患無賡載
秋扇明知有棄捐舊讀溫尋渾不記新吟煨煉久方圓
此生幸不當詞翰免被人嘲上水船

題小室二首

已向深林卓小菴是中僅可著禪龕
士師何止三無愠
中散居然七不堪一去重華那復得
方當盛漢勿多談
近來弟子俱行腳誰伴山僧面壁參

阡陌東西山北南半生常帶散人銜
何曾雲夢芥八九
一任狙公芋四三閣上大夫投欲死
甕間吏部寢方酣
可憐子駿無家法下見先人面有慚

送表弟方時父

棄置空村飽世情高軒乃肯顧柴荆韓甥殷浩貧親戚
李益盧綸外弟兄兩鬢蕭疎驚老大一燈明滅話平生
刺桐花下逢予季多致詩人未害清

葉桂發助教從李用之祕監於潮陽李持節使
部葉辭歸福唐小詩話別

賀監空多惜別情木棉花得似三荆打包便是參禪客
垂索何須使鬼兄小郭今寧無趙子四門古亦有歐生
歐陽詹為南轅不涉貪泉境歸去詩腸徹底清
四門助教

寄題建陽馬氏晚香堂

自鋤空曠汲潺湲占斷清溪第幾灣
傍九日開侵歲晏
居千花殿覺天慳
冷英飲露平生事
遺臭流芳一念間
菊不負君君負菊
年年秋不在家山

贈施道州二首

施先生學有源流家自長安徙益州
疇昔建牙當一面
祇今失國託諸侯
身僑嶽麓無生計
目斷岷峨起暮愁
聞道漢廷須黼黻
蜀珍那得此淹留

邊塵突過劍門關西顧於今尚未寬
早晚相如通轆道
蒼皇子美問長安拮据自笑營巢拙
杻鑿明知合轍難
縱有望鄉樓百尺淡烟衰草莫凭欄

送楊彥極提刑二首

閩蜀相望萬里遙敢圖斗壘屈魁杓
南州處士蒙殊禮
魏府牙兵不更驕
邦伯如今安得結國人
他日會思僑
辦香垂去猶精禱
果有甘霖溉旱苗

繡斧翩翩向福唐
百城斂衽避風霜
夢迴桑下初何戀

手植棠陰故未忘判筆有神皆可錄抄書無數即行裝
從今病叟來扃戶莫望嚴公訪草堂

題陳霆詩卷

讀他人作多遺恨君似連城壁少瑕楮葉國工如許刻
菖蒲靈物偶然花今無摩詰攜同宿後有荆公選百家
不惜矮窻殘燭下與將朱筆擷菁華

夢方孚若二首

仙鬼微茫果是非不如遼鶴有歸期鑄成范蠡何嗟及

繡作平原未必知歌扇舞裙風雨散野田荒草古今悲
可憐一覺寒牕夢猶記聯鞍出塞時

寤寐中原獨著鞭往來絕域幾飡糗封侯反出李蔡下
成佛却居靈運先八百里烹饗軍肉九千緜輦作碑錢
祇今誰是田橫客回首荒丘一慨然

哭孫季蕃二首

歲晚湖山寄幅巾浩然不見兩眉顰看花李益無同伴
顧曲周郎有後身厚祿殷勤營葬地隱君歡喜得吟隣

唐人題李白墳云誰移
來陽冢來此作吟隣

看來造物於君厚判斷風光七

十春

每歲鶯花要主盟一生風月最關情
相君未識陳三面兒女多知柳七名
自有菊泉供祭享不消麥飯作清明
老身獨殿諸人後吟罷無端雪涕橫

懷曾景建二首

造物生才自昔難此君天矯類龍鸞
聖賢本柄藏椰子佛祖機鋒寓棘端
疇昔諸人多北面暮年萬里著南冠

傷心海內交游盡篋有遺書不忍看

曾有春陵逐客篇流傳哀動紫陽仙
安知太白長流處亦在重華野
葬邊碎板一如坡貶日蓋棺不見檜
薨年

誰云老眼枯無涕聞說臨川即泣然

蔡季通貶道州君餞之云四海朱夫

子徵君獨典刑青雲伯夷傳白首太玄經有客憐孤憤
無人問獨醒瑤琴空鎖匣絃斷不堪聽晦翁喜之手書
其詩君亦貶死道州異矣

內翰洪公舜俞哀詩二首

憶昔端平典冊新三麻九制筆如神
內庭喚作真學士

晚輦推為老舍人垂死遺言猶苦口平生諫疏最嬰鱗
建功不作於潛死誰為君王說厚倫

回首揚州一夢餘故交已直玉堂廬寒暄未省通君實
窮薄空煩誦子虛甚媿丈人於甫厚孰云夫子不回如

君除中書
舉余自代

殘年無復陪精論開闔平生幾幅書

送李漕用之二首

斜飛慶厯皇華遠捷出熙寧使指新但記歐公更此職
不知趙濟是何人

為常平劾
富公者

剡章徧及孤寒士奮筆先

誅聚斂臣自嘆暮年衰颯甚羨君老手獨埋輪

漢廷鹽鐵議交攻有詔姑唯舊法從聞道嶺南歌聖主
一如河北感仁宗向舒自是堪王佐桑孔安知富大農
他日公歸奉清問可無鯁論贊烹封

答謝法曹

二詩簡淡掃穠華作者幾無以復加璧十五城方定價
桃三千歲一開花選騷意度卑唐體晉宋文章讓謝家
莫道老夫今耄矣平章此事不應差

次王實之家塾韻

新敞朱甍映碧岑，高門誰識慶源深。時郊已解傳家學，

石禮皆堪直禁林。

介甫和甫

七葉文章真有種，二郎官職本

無心。庭前玉樹成陰未著手，栽培昉自今。

王筠云未有七葉之中名

德重光爵位相繼人
人有集如吾門者

喜湯伯紀登第

老覺人間無一忻，怪來乾鵲耳邊聞。休嗔窮鬼揶揄我，
絕喜春官摸索君。疇昔先生有高第，即今後死與斯文。

不應也躍看花馬忘却江天樹與雲

三月二十一日泛舟十絕

少游款段何從借伯厚雞栖未易求
看取後村翁簡徑百錢聊稅一漁舟

退之歲晚南溪上把釣聯詩得幾迴
便與烏衣羣從約及身强健更頻來

向來平勃頗相知使粵歸來歲月移
只以一篙為導從亦無劍馬可相隨

橋低水漲過船難旋折船蓬復旋安未免屈蟠蓬底坐
誰教君愛切雲冠

弟兄玉映更珠聯豈減元暉與惠連欲笑漢人無具眼
羨他李郭作神仙

眉洲嶼隔雪濤中聞此山川彷彿同但是至人遊息地
邦人處處作離宮

雖沉璧馬計安施倏忽桑田變渺瀰說與神通君看取
潮頭不到艮山祠

溪北溪南一雨通山村佳處便掀篷老身不怕無安處
著在漁翁保社中

稚子呼牛婦饁耕早秧水足麥風清老農喜極還垂涕
白首安知再太平

本朝耆舊數吾宗老監軒昂洛社中後五百年人定說
過江復有戴花翁

三月二十五日飲方校書園十絕

纔入中年會面難安知白首此團欒不妨時駕柴車出

只作初騎竹馬看

伯兄迺漢司徒掾季子亦唐行祕書只願荆花常爛熳
莫令瓜蔓稍稀疎

自古根深枝葉蕃百年喬木到今存只留諫草傳家世

莫著輶車入戶門

褚彥回以輶車給從弟炤炤大怒曰著此辱門戶

西舍鳴笳索賦詩東家拽石請書碑眼中除却壺山外
多是新知少舊知

呼來不許望清光麾去奚堪作省郎莫是後身劉快活

插花重入少年場

石室千年不復開
庭花無語委蒼苔
席間舊客惟枚叟
白髮重將屐齒來

空留蘚石仆斜陽
不見竒章與贊皇
何必雍門彈一曲
蟬聲極意說淒涼

百年如電復如風
昨日孩提今日翁
乍可生前稱醉漢
也勝死後謚愚公

早退分明勝一籌
行年六十復何求
東門瓜與南山豆

誰道君恩薄故侯

後有良工識苦心今無善聽孰知音
老來字字趨平易
免被兒童議刻深

題江貫道山水十絕

世間平遠景萬幅在洪家晚至番君國
方知不是夸

野處

有樓名萬幅平遠

一棹微茫裏孤亭紫翠間
恍疑涉彭蠡又似訪廬山
江險不容極禹功胡可忘
向來小龍子衮冕食千羊

夾立朝羣玉濃妝列萬筭中州不敢頓拋在瘴雲西
崩山千萬疊不得見天全帆出扶胥口無山只有天
雪冒禹碑石雲埋泌草堂早知抱遺恨悔不挾乾糧
半夜黃天蕩樓船雪浪中當年草檄客今日負樵翁
太武求洩處之祁著鑠邊淮風晨裂面淮浪夜驚船
展卷嗟宣聖東西南北人昔還行脚債今作卧遊身
一匹好東絹天寒家未温儘教兒拆繡閒管婦無禪

後村集卷十三